

藝文志

渠縣志第六



自周季學散私門不統於官傳業復異流派滋歧漢劉向分校經傳諸子詩賦始條其篇目撮其旨意俾各有所歸焉逮子歆卒向業於是總羣書著七略而班固藝文志實因之洵能辨統析系窮源竟委深得莊荀論學之遺意顧學術應時興替靡常著錄諸家勢難削足適履遵仍舊軌魏荀勗括蘭書爲甲乙丙丁四部爲後四部之名所自昉嗣是宋王儉撰七志附佛道於圖譜漫無倫紀梁阮孝緒著七錄佛道別出差有卓識然皆標目類從不言作者之意會稽章學誠所謂一掌故令史足矣後之作者時有取舍大較亦不外是渠雖蕞爾不乏偉碩宏著名作雅稱不鮮惜著錄半就散佚無由論列即舊志所載者今不能存十之一二遂據此僅存者漫加區別其區別未見其果當也且學術之演

渠縣志

卷六

藝文志一

一

渠縣平民教養工廠鉛印部承印
渠縣平民教養工廠鉛印部承印

進至近百年而日有所變尤未可執古而論往在晚清同光間吳皖學派衰而常州學派盛湘潭王闈運者常州學派之鉅子也講學成都負笈從遊者甚夥廣安周幼菴達縣劉士志皆其親炙門者金榜書院幼菴主講渠人士深受其薰染而問業士志者間亦有之至是始知稍事羣籍不局八比講章之學且薄之矣學校既代科舉西學泉流學者思想愈趨新奇而佛學亦於是爲中外學人所欲繹研行見東西治合將來著錄家或更倍蓰於前者矣未可誣也蒐集別校是在來者今師孝緒稍益損之粗別六錄以楮前籍曰經典錄記六藝經說經解入之曰記傳錄紀史傳史論史鈔邑乘入之曰諸子錄凡能成一家言者入之曰文集錄詩賦入之曰枝術錄醬卜星占諸書入之曰佛錄道書附焉

志藝文

經典錄

春秋經解十二卷後坵統論

宋黎鎰希聲撰神宗熙甯八年王安石再當國頒所著三經新義於天下而黜春秋不列學官且詆為斷爛朝報故當時諸賢憤懣不平多有春秋經傳著述鎰其一也坡公贈詩所謂治經方笑春秋學正其時矣是書見重歐陽公晁公武讀書志亦著錄之

周易解無卷數

明任準撰舊志謂是書闡發天人性命之理其必有以取之矣惜今全書散佚精義名言無由窺焉

菊逸山房易學一卷

清寇宗撰乃宗官榮昌學官時作未詳體例然易道深遠見深見

渠縣志

卷六

藝文志一

二

渠縣平民教養工廠鉛印部承印
渠縣平民教養工廠鉛印部承印

淺因人而異而後進初事研修者固不妨備插架之用

四書講義一部

清歲貢生裴寅亮著寅亮教學其官署因感刺激遂默誦講義十部取其長者集成此書書雖類於鈔撮欲便觀覽或亦有取乎此也

學庸講義

清歲貢生王果撰前志人物門引卷數不詳

記傳錄

忠孝錄一卷

失撰述人名氏書載漢馮公事實及碑志甚詳知為與馮公並世者所編輯明末燬於兵無復存者惟書名見明甘澤疏中

宕渠志二卷

是書見宋史藝文志不詳作者姓名則未知何時人也

學宮圖考

清寇宗撰是書釐訂學宮源流凡封贈祭典籥章從祀等類皆能條分縷晰言其所以然是有功學校者前邑侯王椿源甚愛之臨去購數十部歸將又為山右書矣

諸子錄

邁德論一篇

晉龔壯子瑋撰傳稱壯潔己自守與鄉人譙秀齊名父叔為李特所害壯積年不除喪卒假李壽手討特孫期私仇以雪後諫壽僭偽不從遂僞壽終身不至成都惟研考經典覃思文章至李勢時

渠縣志

卷六

藝文志一

三

渠縣平民教養工廠鉛印部承印

卒此篇想係壯隱居勵學時著以見志者今已失傳僅存其名

校勘荀子二十卷

宋黎鎔撰鎔精經術與蘇洵文章並稱於世為當時有名大儒者而荀子一書可以羽翼六經宜鎔篤嗜而樂為校勘惜今黎本鮮傳僅見於宋書藝文志云

任子迂言

明任準撰本宦家子而能高尚其志不求聞達惟以閉門著書為事其人品甚高所謂迂者殆深得夫易云含章可貞之義也亦迂叟迂倪之類前志謂皆經世宰物之方晉江黃公亦稱其與陳茂

烈相匹亞洵知言哉

又前志載隼著籌畫寰宇卷數不詳

救荒書一卷

明李含乙撰書爲含乙牧高郵時作當崇禎戊寅庚辰間兩畿旱蝗高郵特甚含乙設法賑救多所全活毗壤仿而行之亦各著効既竣事乃自就其經驗所得著成此書

天學

清寇宗撰前志人物門引卷數不詳

文集錄

秦郵草一卷

明李含乙青藜撰文僅存救荒書小引一篇餘皆詩乃其牧高郵時作王璉序謂可與高岑王李把臂入林譚何容易而王永吉序則以司空詩品纖穠洗鍊數語評之固已得其形似要不若序中有云時一發吟落語便韻爲得其要也蓋公日擊時艱抒寫胸臆

渠縣志

卷六

藝文志一

四

渠縣平民教養工廠鉛印部承印
渠縣平民教養工廠鉛印部承印

忠義之氣時流露於行間晚年擊賊被陷不屈遇害卒能行顧其言是集之存有以也

說劔齋集四卷

清李珪撰珪字公執號鶴汀含乙長子崔竺五序謂可與長卿子雲李蘇諸賢後先競爽輝映未免過譽然據自序其詩有云巴渝之俗其人好詡李生偶爾習氣不除借此登其醜礪使巴童蕩漿賓女持節而倡之亦竹枝款乃之遺韻耳讀此亦可見其襟懷片石齋集一卷集唐詩一卷

清李瑁撰瑁字宥山號梅岑含乙次子文有奇氣詩亦精工李以甯爲之序其集唐詩揮灑如意對尤渾成如自己出

艾菴集

清李泳撰泳字艾菴含乙第三子名與兄珪瑨瑀集雖失傳其大

斌山記猶膾炙人口云

濠梁詩集一卷文集一卷

清李牲撰牲字楚材珪子為康熙廿年辛酉王漁洋所得士詩以五七古勝頗不類其師之專主神韻者其濟南北地之流亞歟文亦楚楚有致

乾六堂詩集無卷數

清釋行世撰行世楚人住渠迴龍寺精戒律善詩文康熙時名噪縉紳云

圖南集一卷

清李隸撰隸字兼三貢生亦含乙孫集今失傳雍正間邑乘乃其

渠縣志

卷六

藝文志一

五

渠縣平民教養工廠鉛印部承印
渠縣平民教養工廠鉛印部承印

手筆筆墨潔淨可為藍本則其它可知矣前志載其秋夜讀書吟聽蟲聲吟諸詩頗超凡俗讀此足見一般

藝圃詩文集二卷

清李漱芳文軒撰漱芳為含乙元孫官御史時以直聲聞所上奏疏皆剴切詳明瀝情吟中白雲斷雁圖蘭省晚歸圖載書過峽圖茆簷望闕圖諸詩尤情詞斐亶沁人心脾凡所題詞胥一時間人云

屏山詩文集十二卷廛居隨筆一卷續筆一卷擬咏史樂府二卷

清賈秉鍾屏山撰詩與文皆鄉舉後官山右時作隨筆續筆致仕廛居作咏史樂府乃與朱菽原先生商權古今晚年怡情之作也流江唱和集一卷

清嘉慶丙寅間學博陳公猷瑞解仕歸渠之人士祖道東門外陳首唱衆和之七律皆次歸微飛稀扉原韵凡數十首彙爲一帙掌院賈秉鍾序而行之其詩因難見巧愈出愈妙亦云盛矣

李忠烈公四世刼灰集四卷

清賈紱麟編是集爲李含乙父子祖孫之作含乙以力挽明亡死難其曰忠烈者乃清高宗賜明亡殉節諸臣諡含乙得之者也曰刼灰者蓋煨燼之餘若曰存什一於千百云爾

唐宗詩纂便讀六卷

清王果編是書爲初學計首五七絕繼五七律而以各古體爲殿編次頗有條理邑侯何慶恩爲作序大旨言渠人不究心聲律凡一詩出瑜瑕差半故詳爲指示大有望於後學云

渠縣志

卷六

藝文志一

六

渠縣平民教養工廠鉛印部承印
渠縣平民教養工廠鉛印部承印

流江鴻雪集二卷

清賈振麟編次是集爲邑侯何愷棠在渠所作詩文凡邑人之爲侯而作者亦增錄之分上下卷上卷文下卷詩侯治渠三載役心民事凡所興作胥於詩文發之讀此可以想見其抱負至渠人士之稱述亦多紀實語集名爲侯自題取坡公澗池懷舊詩意蓋鴻爪印雪鴻去雪存鴻無戀雪之心雪自留鴻之蹟有觀感益深者此集之所由名歟

勉不足齋集八卷

清吳照南廣撰南廣性倜儻不拘小節任渠學博時所至有詩頗能道其山川形似詩有佳句而其文與賦稟排近古亦足備人一覽云

春星草堂詩集四卷

清王大奎撰奎字子聚歲貢生教學頗著聲譽惟是集未見無由窺其大旨僅著目焉

讀書小舫詩集一卷

清閻檢悔生著悔生能詩工書自入童子學後屢赴鄉闈皆見擯以故集中諸作多鬱抑不得志之語時或為達觀者言用自遣適要亦窮而後工者也

懲齋文集二卷詩一卷

清楊宜治虞裳著虞裳才優於學吐屬不凡集中傳記序跋碑誌諸作自能入古而論說各文尤駿快絕倫令人百讀不厭詩亦健雅耐誦

渠縣志

卷六 藝文志一

七

渠縣平民教養工廠鉛印部承印
渠縣平民教養工廠鉛印部承印

文品二十四首

清歲貢李銘西箴撰西箴故善詞章於文之格律頗有所窺所著文品廿四首蓋規仿司空圖詩品為之今其稿存李某家未即梓行獲目閱者殊鮮亦無由揣加鑒評云

俄程日記二卷

清楊宜治著

又嘉隆八詠并越南勘界路程藏於家

東軒詩存一卷

冉之簡著

技術錄

內經纂要一卷

清閻雲浩伯餘編雲浩頗精醫術既彙成是書復取諸家之說較善者詮釋之間亦錄已經驗語惟稿存其家尙未刊行業醫者得此或亦一二有補焉

眼科輯要

清王果撰前志人物門引卷數不詳

寒症

清寇宗撰前志人物門引卷數不詳

痘科

清寇宗撰前志人物門引卷數不詳

疑龍經集注三卷撼龍經集注八卷

清寇宗撰兩書現皆行世具有定評

佛錄

破山語錄二十卷詩草四卷

明末破山和尚著破山籍地紀載不詳或曰大竹人然據雲霧山

渠縣志

卷六

藝文志一

八

渠縣平民教養工廠鉛印部承印
渠縣平民教養工廠鉛印部承印

普賢寺有俗霞壹三字傳係破山書則其駐錫此寺無疑是寺地屬渠境則破山之為渠人又意中事也通江李馥榮紀其棒擊明大司馬呂大器及自食肉以止李占春之殘殺並錄其臨別贈占春一絕云飽食煖衣樂矣哉這場春夢幾時回而今要醒而今醒莫待籐枯樹倒來是真得佛慈悲戒殺之旨實救衆生而有補者書雖世稀傳本大旨由是亦可推見矣

憨翁和尚語錄

清釋行悵撰前志仙釋門引卷數不詳

心印會講注長編

清張三寅海山撰長編未竟卒語載人物表

道錄

闕